

**AWIG - AWIG
DESA PAKRAMAN BAKAS**



**KECAMATAN BANJARANGKAN
KABUPATEN KLUNGKUNG
2014**

အပိတပိတၢ်

AWIG – AWIG

ကုမ္မဏိယကျေးဇူးတော်

DESA PAKRAMAN BAKAS



နယ်မြေအကျဉ်းချုပ်

KECAMATAN BANJARANGKAN

နယ်မြေအကျဉ်းချုပ်

KABUPATEN KLUNGKUNG

၂၀၁၄

2014

PITEGES PAPOLAN CIHNAN DESA PAKRAMAN BAKAS



1. Dasar Pinggir lima (lima), Mapiteges Panca Sila.
2. Bintang Pinih Ruhur Ring Selaning Candi Bentar, Mapiteges Nyujurang
Kadharman, Astiti Bhakti Ring Sang Hyang Widhi.
3. Keris Medasar Sekar Tunjung, Mapiteges Kapurusan Wetu Saking Padma
Hredhaya Suci, Medasar Asta Brata.
4. Undag Panta Tiga, Mapiteges Ngamargiang Tri Hita Karana.
5. Wit Waringin, Mapiteges Maka Pengayoman.
6. Bale Kulkul, Mapiteges Pengarahan.
7. Bakas Mapiteges Bala Akas , (Wadua Kuat).
8. Padi Kapas, Mapiteges Ngawredhiang Sandang Pangan

DAGING MAKA BANTANG

AWIG-AWIG DESA PAKRAMAN BAKAS

PIDAGING AWIG-AWIG	i
MURDA CITA	1
PRATHAMA SARGAH : ARAN LAN WEWIDANGAN DESA	2
DWITIYAS SARGAH : PETITIS LAN PAMIKUKUH	3
TRITIYAS SARGAH : SUKERTA TATA PAKRAMAN	4
Palet 1 : Indik Krama Lan Warga	4
Palet 2 : Indik Prajuru	11
Palet 3 : Kertha Desa	15
Tata Cara Ngadegang Kertha Desa	15
Palet 3 : Indik Pacalang	16
Palet 4 : Indik Kulkul	17
Palet 5 : Indik Paruman	19
Palet 6 : Indik Druwen Desa	20
Palet : Indik Sukerta Pamitegep	22

Kaping 1 : Indik Karang Lan Carik	22
Kaping 2 : Indik papayonan	25
Kaping 3 : Indik Wewangunan	26
Kaping 4 : Indik Wawalungan	27
Kaping 5 : Bhaya Lan Dusta	28
Kaping 6 : Penyanggran Banjar	30
CATURTHAS SARGAH : SUKERTA TATA AGAMA	31
Palet 1 : Indik Dewa Yadnya	31
Palet 2 : Indik Rsi Yadnya	41
Palet 3 : Indik Pitra Yadnya	42
Palet 4 : Indik Manusa Yadnya	49
Palet 5 : Indik Butha Yadnya	50
PANCAMAS SARGAH : SUKERTA TATA PAWONGAN	53
Palet 1 : Indik Pawiwahan	53
Palet2 : Indik Nyapian	57
Palet3 : Indik Sentana	58
Palet4 1 Indik Warisan	60

SADTHAS SARGAH : WICARA LAN PAMIDANDA	65
Palet 1 : Indik Wicara	65
Palet2 : Indik Pamidanda	66
SAPTAMAS SARGAH : NGUWAH NGUWUHIN AWIG-AWIG	68
ASTAMAS SARGAH : SAMAPTA	69

I. MURDHA CITA

Sotaning Bhuwana Agung, Desane wantah pawakan Bhuwana mahurip jangkep saha Tri Hita Karananya luwire :

ha. Parhyangan, sahananing Kahyangan, Penyiwian Desa Genah Ngarcana Ida hyang Paramawisesa maka jiwane desane.

na. Pawongan, krama saha warga Desa sami pawakan bayu pramana, mawinan Desane sida molah maprawerti.

ca. Palemahan Kakuwub desane kasinanggeh stulaning Desane.

Adung patemon bhuwana Agung kalih Bhuwana Alit, malarapan santa – Jagadhita, kasinanggeh murdhaning prayojana pangeriptaning Awig-awig sajeroning paruman krama Desa Pakraman Bakas. Awig-awig Desa Pakraman pinaka Sepat Siku-siku pamatut, wastu kasidan prayojana mami kabeh, prasama angidep muang amanggehaken kadi linggih Awig-awig iki.

PRATHAMAS SARGAH

Aran Lan Wawidangan Desa

Pawos 1

- (1). Desa Pakraman Puniki mawasta Desa Pakraman Bakas.

- (2). Jebar Kakuwuh wawidangannya mawates Nyatur :
 - ha. Sisi Kaja Desa Nyalian
 - na. Sisi Kelod Desa Tusan.
 - ca. Sisi Kangin Tukad Bubuh
 - ra. Sisi Kauh Tukad Melangit

- (3). Desa puniki kawangun antuk karang Desa utawi gebogan krama, turmaning kepah dados limang banjar luire :
 - ha. Banjar Peken.
 - na. Banjar Kangin.
 - ca. Banjar Kawan.
 - ra. Banjar Kreteg.
 - ka. Banjar Pering.

DWITYAS SARGAH
PATITIS LAN PAMIKUKUH

Pawos 2

Patitis Desa Pakraman Bakas puniki sakadi ring sor :

- ha. Mapikukuhin kalih ngarajegang Sang Hyang Agama.
- na. Nginggilang tata prawertening maagama.
- ca. Ngarajegang Kasukertan Desa, saha pawongannya sakala lan niskala.

Pawos 3

Awig - awig puniki ngamanggehang pamikukuh minakadi :

- ha. Pancasila
- na. Undang-undang Dasar 1945.
- ca. Tri Hita Karana manut sadacara Agama Hindu.

TRITYAS SARGAH

Sukerta Tata Pakraman

Palet 1

Indik Warga Lan Krama

Pawos 4

- (1) Sane Kabawos warga Desa Pakraman inggih punika sang maagama Hindu sane jumenek ring wawidangan Desa Pakraman, tur satinut ring Awig - awig Desa Pakraman Bakas.
- (2) Sane kabawos krama Desa Pakraman inggih punika, warga desa sane sampun alaki rabi, ngamong wiadin tan ngamong karang desa, saha ngempon wiadin ngemong kahyangan tiga lan kahyangan desa amongan Desa pakraman Bakas.
- (3) Krama pangempon inggih punika krama desa pakraman sane madue paiketan marep ring sadaging puluh pali dresta ring kahyangan inucap.
- (4) Warga wed saking Desa Pakraman Bakas sane magenah ring dura desa manggeh kantun makrama desa mangde inut ring pamargin awig - awig lan pararem.
- (5) Sajawining sane tan kaucap ring ajeng sinanggeh krama tamiu.

Pawos 5

- (1) Warga Desa Pakraman Bakas sane sampun mayusa sanistania roras warsa sadurung alaki rabi, kasinanggeh truna truni patut ngamiletin sekaa truna - truni ring banjarnyane sowang - sowang.

- (2) Sekaa truna truni inucap sajawining katuntun olih keliannyane soang soang, taler katuntun oleh prajuru banjar rauhing prajuru desa.

Pawos 6

Krama Desa Pakraman Bakas kapalih sakadi ring sor :

- (1) Krama ngarep, krama desa sane sampun alaki rabi, sane magenah ring sawengkon Desa Pakraman Bakas wiadin ring dure Desa.
- (2) Krama patus inggih punika, krama desa sane balu, sane nahenin mapatus ngarep, turmaning sane balu luh sampun madrebe pianak muani sane sampun mayusa enem belas warsa, taler balu muani sane sampun madrebe oka daha sane sampun mayusa enem belas warsa.
- (3) Krama tapukan inggih punika krama desa sane kari mayusa kirang ring enem belas warsa katinggalin lampus antuk raraman ipun

Pawos 7

Panemaya tedun makrama desa :

- (1) Warga sane sampun kabawos makrama desa yening sampun tedun mabanjar.
- (2) Warga sane tedun dados krama banjar saurah arih pamarginnyane manut pararem banjar sowang - sowang.

- (3) Warga dura Desa sane jumenek ring wawengkon Desa Pakraman Bakas patut tedun makrama manut pararem.
- (4) Prade wenten warga saking dura desa sane maagama Hindu jumenek ring desa Pakraman Bakas lintang ring asasih tur sampun alaki rabi patut kategteg olih prajuru banjar, sane ngawengkonin manut pararem.

Pawos 8

- (1) krama wenang nyada, sane kabawos nyada, prajuru patut nambyakang ring krama Banjar manut pararem
- (2) Yening wenten krama Banjar sampun mayusa 65 (nem dasa lima) warsa yan ten maderbe panyledi utawi pianaknyane kantun malit durung alaki rabi krama punika patut nyada manut pararem
- (3) Yening wenten krama sane sungkan rahat tan prasida waras malis malih kengin nyada yadiastun durung mayusa 65 (nem dasa lima) warsa.manut pararem

Pawos 9

Swadharmaning Krama lan Warga Desa :

- (1) Tan maren astiti bakthi ring Desa.
- (2) Satinut ring sadaging awig - awig lan Pararem Desa.
- (3) Tan maren ngutsahayang, ngajegang saha nyungkemin pasukertan ring Desa Pakraman Bakas.
- (4) Ngamargiang sapituduh Guru Wisesa lan prajuru desa manut awig - awig kalih pararem desa.

Pawos 10

- (1) Ayah - ayahan krama desa sakadi ring sor :
 - ha. Krama ngarep ngamargiang ayah-ayahan krama ngarep manut pararem.
 - na. Krama patus ngamargiang ayah - ayahan krama patus manut pararem.
 - ca. Krama tapukan ngamargiang ayah-ayahan manut pararem
- (2) Warga sane siyosan patut ngamargiang ayah - ayahan manut pararem

Pawos 11

- (1) Wedal - wedalan lan paturunan krama luire :
 - ha. Krama ngarep keni papeson miwah paturunan weweg.
 - na. Krama patus keni papeson lan paturunan manut pararem.
 - ca. Krama tapukan luput sadurung mayusa enem belas warsa.
- (2) Papatusan krama banjar inggih punika :
 - ha. Patus karya.
 - na. Patus Artha berana lan beras.

Pawos 12

- (1) Sane kabawos tamiu inggih punika, jadma saking dura desa sane wenten ring wawidangan Desa Pakraman Bakas malarapan antuk :
 - ha. Malelungan.

- na. Sasudian Desa wiadin Guru Wisesa.
- ca. Kadang Warga sinalih tunggil krama Desa.
- ra. Sawitran sinalih tunggil krama desa.
- (2) Krama utawi warga desa sane ngraksa tamiu jantos marerepan patut masadok ring kelian banjarnia tan kasé pang ring awengi.
- (3) Swadharmaning tamiu patut satinut ring pamargin Awig - awig lan pararem sane kamanggehang ring Desa Pakraman Bakas.
- (4) Tamiu sane madunungan ring wawidangan Desa Pakraman Bakas majalaran antuk sungkan gumanti mabuat ngarereh tamba, tan keni urah arih manut pararem .
- (5) Yening sang rumaga tamiu sampun ninutin pamargi sakadi kabawos ring ajeng, patut ngamolihang pangayoman saking banjar wiadin desa.
- (6) Prade wenten tamiu sane madunungan ring sinalih tunggil krama wiadin warga Desa Pakraman Bakas kandugi malaksana kawon, sang kadunungan patut negenang pamidandania manut pararem.

Pawos 13

- (1) Prade wenten sinalih tunggil krama mapikayun magingsir mabanjar ring sajeroning Desa Pakraman Bakas, patut nganutin pamargi sakadi ring sor :
- ha. Muputang urah - arih paiketannyane ring banjar sane katinggalin.

- na. Polih ilikita pastika saking kelihan Banjarnia saha kasukserah olih kelihan banjarnia ka banjar sane kaungsi.
- ca. Kasaksinin utawi kasadokang olih para kelihan Banjar inucap ring Desa Pakraman Bakas.
- (2) Yan tan nganutin pamargi sakadi bawos ring wiwit (1), krama inucap tan wenang katampi. Prade wenten banjar sane nampi, wenang banjar punika kasisisipang oleh Desa Pakraman Bakas tur keni pamidanda manut pararem.
- (3) Krama sane dados magingsir mabanjar, wantah sane majalaran antuk ngayahang karang ring wawengkon banjar sane kaungsi.
- (4) Krama sane ngayahang karang desa ring banjar siyosan, patut tedun mabanjar ring banjar sane ngawidangin tanah karang desa sane kaayahang.

Pawos 14

(1) Wusan dados krama desa :

ha. Sangkaning seda

na. Matilar saking desa Pakraman Bakas saking paminunas nyane wusan madesa pakraman tur manut daging pararem.

ca. Kawusan antuk Krama banjar wiadin Desa wit saking tan nganutin pamargin awig - awig lan pararem Desa Pakraman Bakas.

- na. Polih ilikita pastika saking kelihan Banjarnia saha kasukserah olih kelihan banjarnia ka banjar sane kaungsi.
- ca. Kasaksinin utawi kasadokang olih para kelihan Banjar inucap ring Desa Pakraman Bakas.
- (2) Yan tan nganutin pamargi sakadi bawos ring wiwit (1), krama inucap tan wenang katampi. Prade wenten banjar sane nampi, wenang banjar punika kasisisipang oleh Desa Pakraman Bakas tur keni pamidanda manut pararem.
- (3) Krama sane dados magingsir mabanjar, wantah sane majalaran antuk ngayahang karang ring wawengkon banjar sane kaungsi.
- (4) Krama sane ngayahang karang desa ring banjar siyosan, patut tedun mabanjar ring banjar sane ngawidangin tanah karang desa sane kaayahang.

Pawos 14

(1) Wusan dados krama desa :

ha. Sangkaning seda

na. Matilar saking desa Pakraman Bakas saking paminunas nyane wusan madesa pakraman tur manut daging pararem.

ca. Kawusan antuk Krama banjar wiadin Desa wit saking tan nganutin pamargin awig - awig lan pararem Desa Pakraman Bakas.

- (2) Nembenin kawusanan ngawit saking pamutus paruman prajuru banjar lan prajuru desa, pamutus inucap kadauhang ring sang kawusan.
- (3) Sang sampun wusan makrama desa tan polih pah-pahan druwen banjar utawi desa tur muputang utang- utang nyane.

Pawos 15

- (1) Yening wenten krama duk rihin wusannyane saking rahayu prade matulak wali malih patut katerima manut pararem.
- (2) Yening wenten krama duk rihin wusan nyane sangkaning kanorayang, mamanah malih pacang mawali makrama banjar lan desa, patut nawur panugtug manut pararem lan Krama inucap patut nunas pangampura ring paruman banjar wiadin desa.

Pawos 16

Kawenangan Krama Desa Pakraman luire:

- ha. Patut Polih pangayoman saking prajuru lan krama desa indik karahajengan pawongan muwah padruenia.
- na. Polih pitulungan utawi pangremba rikala katiben baya, pakewuh wiadin kaduhkitan, taler rikala madrebe karya abot, pamekas rikala nangun yadnya.
- ca. Kangkat nyarengin paruman Desa lan Banjar tur sareng mastikayang daging pamutus paruman.
- ra. Wenang nyudi lan kasudi pinaka prajuru mwang sane siyosan.
- ka. Kadadosang mogpog manut daging pararem.

da. Polih puwongkidan manut daging pararem rikala:

1. Katiben sungkan utawi baya, kalayu sekaran sinalih tunggil kaluarganyane manut pararem.
2. Ngamargiang yadnya sane jantos ngaturin krama.
3. Ngarawuhin uleman saking sinalih tunggil krama desa utawi kadura desa.
4. Ngalaksanayang yadnya sane dewasaipun sinarengan ring yadnya sane kalaksanayang ring Desa.

Pawos 17

(1) Sane kangkat ngamolihang luputan papeson luire :

ha. Pamangku Kahyangan Desa.

na. Prajuru Desa, Prajuru Banjar, Prajuru pura kahyangan desa manut pararem.

ca. Krama Desa sane kasudi olih prajuru desa ngaremba karya desa manut pararem.

(3) Ageng alit laluputan inucap kamanggehang olih prajuru desa pakraman manut swadharmaning sang polih laluputan manut pararem.

Palet 2

INDIK PRAJURU DESA

Pawos 18

(1) Desa Pakraman Bakas katuntun olih jero Bandesa tur kaabih olih :

ha. Pamangku Kahyangan Desa
na. Saba Desa.
na. Kerta Desa.
ca. Patajuh Bendesa
ra. Panyarikan.
ka. Patengen.
da. Para Baga
ta. Kalian Banjar
sa. Kalian Pura
wa. Kasinoman.
la. Pacalang.
ma. Sekaa Taruna

- (2) Prajuru Desa Pakraman kategepin utawi karemba antuk Sabha desa lan Kerta desa.
- (3) Banjar katuntun antuk prajuru banjar.
- (4) Nganinin indik urah arih Sabha Desa lan Kertha desa kapidabdabin manut pararem.

Pawos 19

(1) Sane kangkat kasudi dados prajuru desa wantah sane sampun makrama desa ngarep, utawi krama nyada sane kantun mersidayang ngamargiang swadharmaning prajuru.

- (2) Sadurung kamargiang sasudian, sang jaga kasudi patut katitenin olih kelian banjar.
- (3) Prajuru desa kasudi olih Krama Desa sajeroning paruman desa.
- (4) Pamargin payudiane manut ilekita wiadin manut pararem.
- (5) Prajuru banjar kasudi olih krama banjar lan pamargin panyudiannyane manut pararem krama banjar sowang-sowang.
- (6) Yan tan prasida ngamolihan panyudian kangkat mamilih utawi kapilih langsung ri sajeroning paparuman.

Pawos 20

Waneng dados prajuru desa wiadin banjar sakadi ring sor :

- ha. Prajuru desa ngaturang ayah mawaneng limang (5) warsa ngawit kaadegang.
- na. Yening sampun puput senger limang (5) warsa, prajuru desa ngawedarang pacang kawentenang kasudian malih.
- ca. Prajuru desa sane sampun puput sengkernyane, kangkat kasudi malih apisan.

Pawos 21

Swadarmaning prajuru desa luire :

- ha. Ngenterang krama desa ngamargiang swadarmaning krama manut daging awig-awig lan daging pararem desa.
- na. Niwakang pamutus wiadin pawirasa marep ring wicara krama desa manut daging awig - awig.
- ca. Ngenterang sawentenning yadnya ring desa.
- ra. Pinaka duta ritatkala wenten bebawosan ke dura desa.

ka. Mikukuhin kalih ngarajegang sawentenning druwen desa mangda kantung manggeh.

Pawos 22

Swadarmaning prajuru Banjar luire :

- ha. Ngenterang daging awig--awig lan daging pararem desa ring banjarnyané sowang-sowang
- na. Kangkat mapesadu ring kelian wawidangan wiadin Bandesa yening wenten krama banjar piwal ring daging awig- awig wiadin ring tata cara Desa.
- ca. Ngutsahayang nyuratang pararem banjar sane patut kaanggen titi pangancan rikala ngenter pakraman banjar,

Pawos 23

Patias utawi olih-olihan prajuru Desa wiadin prajuru Banjar:

- ha. Luput papeson Jan tategenan.
- na. Polih patias manut pararem.

Pawos 24

(1) Prajuru kagentosin majalaran antuk

ha. Seda.

na. Pinunas ngaraga tur sampun kalugra antuk paruman desa.

ca. Tan prasida ngamargiang swadarmaning prajuru santukan sungkan rahat wiadin pialang abot sane siyosan.

ra. Kanorayang duwaning iwang pamargi nilar sasananing prajuru.

(2). Ngentosain prajuru patut kamargiang sajeroning paruman desa.

Kertha Desa

Pawos 25

(1). Kertha Desa inggih punika genah prajuru desa lan krama desa nunas dharma tatimbang yening wenten nepasin daging awig-awig.

(2). Swadharma Kertha Desa, wenang mapaica saluwuring dharma tatimbang ring prajuru Desa luire:

ha. Indik prajuru desa sane singsal ngamargiang awig-awig.

na. Indik krama desa sane pacang nguwah nguwuhin awig-awig.

ca. Indik wenten wicara ring Desa Pakraman.

Tata Cara Ngadegang Kertha Desa

Pawos 26

(1). Kertha Desa akeh nyane 9 diri.

(2). Uger-uger ngadegang Kertha Desa Inggih punika :

ha. Mawiwit saking krama wed.

- na. Wikan ring hukum adatutawi agama lan hukum nasional.
- ca. Ritalkala kacawis mayusa sakirangnya 45 (petang dasa lima) warsa.
- ra. Kasudi olih prajuru desa suwennyane dados Kertha Desa 5 (lima) warsa dados kasudi malih apisan.

Palet 3

Indik Pecalang

Pawos 27

- (1) Rikala ngarajegang kasukertan Desa lan Banjar, Prajuru patut kasanggra olih pacalang akehnyane manut kabuatan.
- (2). Swadharmaning pacalang inggih punika nitenin kasukertan Desa lan Banjar, pamekas nganinin indik adat lan agama.
- (3). Gaguat dados pacalang sakadi ring sor :
 - ha. Sampun tedun dados krama Banjar.
 - na. Mayusa nenten lintang ring 55 (seket lima) warsa.
 - ca. Nenten ngeraksa sungkan-sungkanan.
 - ra. Uning ring panglokika tur wicaksana.
 - ka. Tan cedeangga.

(4). Sengker dados Pacalang suwenipun 5 (lima) warsa, sasampune punika dados kasudi malih apisan.

(5). Kausanang dados pacalang oleh prajuru malarapang antuk :

ha. Seda.

na. Sampun tutug sengker 5 (lima) warsa.

ca. Sakeng pinunas ngaraga tur maning sampun kalugrayang olih krama banjar

ra. Sangkaning kanorayang dados krama.

(6). Pacalang kengin nunas mapamit prade :

ha. Ngaraksa sungkan rahat.

na. Wusan makrama sangkaning kesah ke dura desa.

Pawos 28

Krama Banjar patut nyangra sahananing babuat Guru Wisesa

Palet 4

Indik Kulkul

Pawos 29

(1) Kulkul sane wenten ring wawidangan Desa Pakraman Bakas luire:

ha. Kulkul desa pakraman.

na. Kukul Banjar ring sowang-sowang banjar.

ca. Kukul ring sowang-sowang kahyangan desa.

ra. Kukul Pura Swagina

ka. Kukul ring pura dadia.

da. Kukul sekaa-sekaa.

(2) Suaran kukul inucap kasinangeh tatenger ring desa, banjar, pura lan sekaa-sekaa satmaka dadauhan saking prajuru majeng ring kramannyane sowang-sowang.

(3) Pamargi sane patut macihna antuk suaran gendongan luire :

ha. Pacang parum.

na. Pacang tedun makarya.

ca. Pacang mapitulung ring kalayusekaran.

ra. Ritatkala keni baya.

ka. Ritatkala wenten krama rangkat alaki rabi.

da. Pamargin upacara ring pura.

ta. Ngawit lan ngalebar Catur Barata Panyepian.

(4) Tabuh tatepakan sowang-sowang kukul inucap ring ajeng, pastika manut ring pabuatnyane tur manut ring pasubayan krama.

(5) Sane Kapatutang nyuarayang gendongan wantah Prajuru, wiadin sang kapituduh olih prajuru manut pabuatanyane.

- (6) Sapasira ugi nyuarayang kulkul tan sangkaning pituduh prajuru, patut keni pamidanda manut pararem, sajawaning wenten baya.
- (7) Papalihan tatepakan gendongan ring Desa Pakraman Bakas sakadi ring sor :
 - ha. Pacang parum, kalih tuludan panjang.
 - na. Pacang tedun makarya, kalih tuludan panjang.
 - ca. Pacang mapitulung ring kalayu sekaran, kalih tuludan panjang.
 - ra. Alaki rabi, kalih tuludan candet.
 - ka. Keni baya atuludan bulus.
 - da. Upacara ring pura, ngempang.
 - sa. Ngawit brata lan ngelebar panyepian, atulud panjang.

Palet 5

Indik Paruman

Pawos 30

- (1) Bandesa pakraman wenang maumang prajuru desa, miwah pamangku sami, jaga matetimbang ritakala wenten karyan desa pakraman sane pacang kasanggra olih krama desa sami.
- (2) Paruman Prajuru Desa pakraman, mangda kamargiang sanistania 6 (enem) sasih mawosang indik kasukertan Desa Pakraman lan ngewarsa apisan mawosang indik arta brana.
- (3) Ring sajeroning paruman desa pakraman, mangda pamilet paruman ngangge busana madya.

- (4) Paruman krama desa pakraman, prasida kalaksanyang yening sampun karawuhin olih sanistaniya satenge lintang adiri saking akeh krama, nanging yan ten jangkep pengrauhe, paruman taler prasida kalaksanyang yening sampun polih wak-wakan saking krama sane rauh.
- (5) Paruman banjar kalaksanayang manut pararem krama banjar sowang-sowang.

Pawos 31

- (1) Ring paruman desa wiadin banjar, prajuru desa wiadin prajuru banjar patut nambyakang:
 - ha. Munjuk lungsuring krama muah ayah-ayahan.
 - na. Saluiring artha brana druen desa wiadin banjar.
 - ca. Indik Pamargin karya sane sampun kapuputang.
 - ra. Sawentenning wicara sane sampun polih pamutus.
 - ka. Pidabdab prajuru nganinin indik pamargin desa kapungkur.
- (2) Ritatkala mutusang bawos ring paruman mangda kadasarin antuk kayun gilik saguluk wiadin ingkup .
- (3) Sajeroning Paruman yaning nenten prasida ngamolihang pamutus patut nyungkemin pasuara sane pinih akeh.

(4)

Palet 6

Indik Druwen Desa

Pawos 32

Druwen Desa Pakraman Bakas inggih punika :

- (1) Pura wiadin kahyangan desa makadi :

- ha. Kahyangan Tiga (Pura Puseh, Pura Desa, Pura Dalem).
 - na. Kahyangan Desa (Pura Suwitan, Pura Dalem Agung, Pura Hyang Api).
 - ca. Pura Swa Gina (Pura Melanting. Suwa, Pura Hyang Bungbung, Pura Bukit Jati).
- (2) Wawidangan setra desa pakraman utawi sane kaempon antuk krama desa makadi :
- ha. Setra Desa Pakraman Bakas.
 - na. Karang setra desa Pakraman Bakas.
- (3) Tanah desa sakadi tanah *PKD*, Ayahan Desa (AYDS), Tegal, Carik Palaba Pura.
- (4) Tanah linggih pura, tegak banjar saha wangunannyane, rurung wiadin margi ring sajeroning Desa Pakraman Bakas.
- (5) Lembaga Perkreditan Desa (LPD) Desa Pakraman Bakas.
- (6) Pasar Desa Pakraman Bakas
- (7) Druwen Desa siyosan sane kapikolihang salanturipun.

Pawos 33

- (1) Druwen Desa patut kapiara olih krama desa sami.
- (2) Druwen Desa patut kapastikayang antuk ilikita.
- (3) Saurah-arih nganenin indik LPD, kaunggahang ring lepihan ilikita pararem desa Pakraman Bakas.

- (4) Pura Druwen Desa sakadi Pura Puseh, Pura Desa wiadin Bale Agung, Pura Dalem, Pura Suwitan, Pura Dalem Agung ritatkala patirtan lan mapengayum, prabnyannyane tur indik pakaryannyane kasanggra olih kraman Pengempon pura sowang-sowang ke enter antuk Prajuru desa pakraman.
- (5) Pura Bale Agung lan Pura Prajapati pangayomnyane kasanggra olih Desa Pakraman.
- (6) Pura Subak utawi Ulun Suwi pengaci lan pangayum inucap kasanggra olih Krama subak.
- (7) Pura Melanting lan Pura Hyang Api kaaci lan kaayum olih Desa Pakraman.
- (8) Pangemong Pura Swagina inggih punika :
 - ha. Pura Hyang Bungbung, yadnya lan wawangunannyane kaempon antuk krama Subak Delod Bakas (Tempek Dangin Gerembeng.).
 - na. Pura Suwa, yadnya lan wawangunannyane kaempon antuk krama Subak Delod Bakas, Subak Lunjungan, lan Subak Sema Agung
 - ca. Pura Bukit Jati, yadnya lan wewangunan nyane kaempon antuk krama Subak Delod Bakas (Tempek Bungsih).

Palet 7

Indik Sukerta Pamitegep

Kaping 1

Karang Lan Carik

Pawos 34

- (1) Sakaluring karang paumahan miwah teba patut mawates antuk tembok sanistania pagehan.
- (2) Wates sisi kaler miwah kangin kakaryanin tur kapiare olih sang madruwe karang, sawireh punika mawasta gagaleng.
- (3) Yening watese nglikadin, wates punika patut kagentosin antuk pinget, sakewanten kasaksinin olih prajuru banjar utawi desa.
- (4) Watese sane majeng kamargine patut katembok wiadin kapagehin mangde kawentenan ipun renes miwah asri.
- (5) Yening wenten sinalih tunggil krama uthawi warga desa mamanah ngeed tanah, kangkat kantos adepe agung (1,75 meter) sakeng wates karang panyanding.

Pawos 35

- (1) Sajawanin toyan sabeh, nenten dados ngembahang toya mawit sakeng blengbeng bawi, pwaregan, kamar mandi miwah sane siyosan sane ngawetuang ambu kawon ka pakarangan anak lian, ka margine, ka rurunge, ka tukade miwah ka telabahe.
- (2) Tan dados ngentungan leluhu saluir ipun ka pakarangan anak lian, ka margine lan ka egot wiadin ka tukade lan ka telabahe.
- (3) Yan wenten weruh ring kawentenan ayat 1 mwang 2 wenang kamargiang sakadi ring sor :
 - ha. Mapitetes ring sang madruwe karang.
 - na. Ke empet pamargin toyan nyane.
 - ca. Mapidanda manut pararem.

- (4) Yaning wenten jatma mabyota kantos nglabuhang rah wiadin padem ring wawengkon Desa Pakraman Bakas kapatutan ipun uthawi kulawargan ipun patut mrayascita genah punika manut panugrahan ida sang Sulinggih.
- (5) Yaning wenten jatma saking dura desa sane ngawetuang byota sakewanten sang sane malaksana byota tan kauningin wit ipun, sane ngamargiang pamahayu desa wantah Desa Pakraman Bakas.

Pawos 36

- (1) Sapasira ugi nenten dados ngalah-lah tanah pakarangan, tegal lan carik padrebenan jadma siyosan, napi malih sane kantun kadruwe olih desa sakadi wawidangan kayangan, setra, margi miwah sane siyosan.
- (2) Prade wenten sang ngalah-lah tanah, patut ngawaliang tanah inucap, sahe keni pamidanda sapatut nyane, manut pararem.
- (3) Nanggap lan matimbang karang ayahan desa, kapidababin sakadi ring sor
 - ha. Sahananing karang desa sane sampun katanggap tur kaayahang olih krama desa patut kagenahin olih sang ngayahang.
 - na. Yaning wenten karang ayahan, sane tan kagenahin ngantos kalih warsa, patut kadruwe antuk desa tur kawaliang ke banjar sowang-sowang sane ngawidangin.
 - ca. Krama ngarep sane pacang matimbang karang patut polih uwakan saking waris nyane tur kasaksinin olih prajuru banjar lan Desa.

- ra. Krama Desa tan dados ngadeang napi malih ngadol karang ayahan Desa wiadin PKD.
- ka. Krama Desa tan kadadosan ngadol utawi ngontrakan tanah ayahan desa, rauhing telajakan nyane taler tan kadadosang ngapling tanah ring sawidangan desa pakraman Bakas.
- da. Prade wenten karang kabebeng, mangda kautsahayang . wenten marginnyane olih prajuru adat sanistania adhepa agung (1,75 meter).
- ta. Yaning wenten karang ayahan desa, jaga ke anggen olih desa Pakraman sakadi ka anggen margi lan sane siyosan sang nuwenang tanah ayahan desa punika tan dados tulak.
- sa. Indik taru miwah tanem tuwuh sane keepet, yaning taru punika kaperluang olih sang nrebenang wantah polih prabeya mungkatang olih sang sane kaberatan.
- wa. Yening taru punika tan kaperluang olih sang nrebenang patut kagentosin antuk pangarga sane manut.

Kaping 2
Indik Papayonan
Pawos 37

- (1) Matanduran tanem tuwuh sane pacang dados ageng patut sanistania adhepa agung (1,75 meter) saking wates karang mangda tan ngrebrehin wiadin mayanin ka pisage panyanding.
- (2) Prade wenten tanem tuwuh sane ngrebrehin uthawi kasinanggeh pacang mayanin pisaga wenang kawara, madasar paigum sane becik mangda papayonan punika digelis karebah wiadin kaentebin.
- (3) Yening sampun kawara sakadi inucap ring ajeng sang nerbenang tan satinut uthawi tan wenten usaha nagingin pinunas sang ngawara, sang rumasa a
- (4) Sajawaning pura, saluiring umah ring pabeanan tan dados ngamargiang pangempet.
- (5) Prabea mungkatan taru kasandangin antuk sang ngepet, nanging sakaluiring taru sane sampun kaepet katiba ring sang nrebenang.
- (6) Tanem tuwuh sane wenang kaepet sakadi ring sor :
 - ha. Tumbuh nyane kirang ring adepa agung sakeng wates uthawi tembok sang ngepet.
 - na. Taru sane karasayang pacang ngarauhang baya manut panarka saking prajuru banjar wiadin desa yadiastun tumbuh langkung ring adepa agung saking tembok pakarangan.
- (7) Yening wenten wit papayonan ngrubuhin pura miwah sane siyosan, papayonan sane pungkut patut katiba ring sang sane keni karubuhin.
- (8) Yening wenten krama ngepet wiadin munggul taru kantos ngametuang baya ring paumahan krama panyanding, prebea karusakan baya punika katanggung olih sang nrebenang kayu.
- (9) Yening wenten krama panyanding ngepet wiadin munggul taru tanpa sadok kantos ngametuang baya ring paumahan krame panyanding, prebea karusakan baya ketanggung olih sang ngepet taru.

- (10) Sang madrebe wit taru sane patut maepet wiadin kapunggul manut dresta, nenten dados nulak pamargi dresta sane sampun kasungkemin.

Kaping 3
Indik Wawangunan
Pawos 38

- (1) Sapasira ugi pacang ngawangun kaaptiang mangda nganutin daging asta bumi miwah gagulak asta Kosala Kosali.
- (2) Tan kadadosang makarya wawangunan ngarebrebin wiadin nyapcap kapisaga, karurung miwah ka margine.
- (3) Prade kantos wenten wawangunane tan manut ring gaguat inucap wenang kawara olih sang sane ngamatutang sakadi pisaga panyanding utawi prajuru banjar lan desa.
- (4) Sahananing barang sane pacang kaanggen ngawangun tan dados magenah ring rurung miwah ring margi langkungan ring arahina.
- (5) Sajawaning sang maagama Hindu tan kapatutang ngwangun genah suci ring desa Pakraman Bakas.

Kaping 4
Indik Wawalungan
Pawos 39

- (1) Sabananing warga banjar sane miara wawalungan patut sayaga nitening wawalungannyane minakadi : negul, nglogor mangda nenten ngarusak karang wiadin paabianan anak siyos.
- (2) Prade wenten wawalungan malubar wastu ngarusak pakarangan lan paabianan, risampune kapalungguhang utawi polih kawara, kengin kataban salanturnia kasadokan ring prajuru.
- (3) Prade wenten wawalungan ngaletihin genah suci risampun kaparitas olih prajuru, sang nerbenang, patut keni pamidanda saha ngupakara genah suci inucap manut pararem.
- (4) Tan kawenang ngangonan utawi negulang wawalungan ring genah sakadi ring sor:
 - ha. Telajakan kahyangan utawi banjar.
 - na. Genah rahuhing pakarangan wawangunan desa.
 - ca. Margi agung lan rorong-rorong.

 - ra. Setra lan genah druwen desa.
- (5) Sapasira ugi tan kapatutang maburu wiadin mademang paksi, Mortas, nyetrum ulam ring wawidangan desa Pakraman Bakas, sang mamurub keni pamidanda manut pararem.

Kaping5

Indik

haya Lan Dusta

Pawos 40

- (1) Sakeluring laksana sane tan rahayu sane pacang ngawetuang pikobet, duhkita, duskertha ring warga utawi krama kasinanggeh bhaya.

(2) Sane kasinanggeh bhaya luire:

- ha. Cora bhaya : baya sane rauh sakeng manusa corah
- na. Ripu bhaya : baya sane rauh sakeng meseh
- ca. Geni bhaya : kapuwunan
- ra. Toya bhaya : blabar, gentuh
- ka. Bhayu bhaya : angin linus
- da. Pertiwi bhaya : tanah longsor.

Pawos 41

- (1) Warga desa sane katiban bhaya patut digelis matur supeksa ring prajuru uthawi ring sang wenang mawosin.
- (2) Warga desa sane uning ring wenten jadma sane malaksana dusta, wiadin sane mayanin patut digelis masadok ring prajuru banjar utawi prajuru desa muwah Guru Wisesa.
- (3) Yaning wenten jadma katiban bhaya, sang katiban bhaya utawi sang sane mangguhin bhaya inucap digelis nyuarayang kulkul maka piuning ring krama siyosan sane pacang mapitulung.
- (4) Warga desa patut sayaga mapitulung ring sang keni bhaya sane makta babaktayan manut kawentenan bhaya punika.

Pawos 42

- (1) Ritatkala pacang masaserep utawi ngaledah prade kamalingan patut nunas panguwak rihin ring prajuru banjar utawi desa.

- (2) Masaserep ring siyos banjaran utawi desa patut kaenter olih prajuru banjar utawi desa kasarengin antuk Guru Wisesa muah prajuru banjar lan desa genahe masaserep.
- (3) Prajuru patut nuntun mangda pamargin saserepe nenten ngawinang duhkita.

Kaping 6

Indik Panyanggran Banjar

Pawos 43

- (1) Ritatkala wenten krama banjar pacang ngawentanang karya luire: Dewa Yadnya, Manusa Yadnya, Pitra Yadnya kalih karya sane siyosan, krama punika dados nganggen padruwen banjar, taler kapatut polih pangremba saking banjar manut pinunas sang madue karya.
- (2) Pamargin panyanggran banjar majeng ring sang madue karya, kapidabdabin manut pararem banjar sowang-sowang.

CATURTHAS SARGAH

Sukerta Tata Agama

Palet 1

Indik Dewa Yadnya

Pawos 44

(1) Pura Panyiwian Desa Pakraman Bakas luire:

ha. Pura Kahyangan Tiga :

Pura Puseh, Pura Desa wiadin Bale Agung, Pura Dalem.

na. Pura Kayangan Desa :

Pura Suwitan, Pura Dalem Agung, Pura Hyang Api.

ca Pura Swagina :

Pura Melanting, Pura Suwa, Pura Yang Bumbung, Pura Bukit Jati

(2) Rahina Piodalan Sowang-sowang Kahyangan inucap, kadi ring sor :

ha Pura Kayangan Tiga:

1. Pura Puseh : Rikala Buda Umanis Kulantir.

2. Pura Desa wiadin Bale Agung : Rikala Buda Wage Langkir

3. Pura Dalem : Rikala Anggara Kliwon Medangsia

na. Pura Kahyangan Desa :

1. Pura Dalem Agung : Rikala Buda Umanis Medangsia.
2. Pura Suwitan : Rikala Saniscara Kliwon Kuningan
3. Pura Hyang Api : Rikala Saniscara Kliwon Landep

ca. Pura Swagina :

1. Pura Melanting : Buda Wage Kelawu.
2. Pura Suwa : Saniscara Keliwon Uye
3. Pura Hyang Bumbung : Buda Wage Merakih
4. Pura Bukit Jati : Anggara Keliwon Medangsia

(2) Pangaci ring sowang-sowang pura inucap manut sastra agama, saha kalaksanayang nista, madya , utama nganutin kawentenan lan pararem.

Pawos 45

(1) Ring sowang-sowang Pura Kahyangan Desa Pakraman inucap ring ajeng wenang kaadegang Pamangku, sane pacang ngenterang utawi nuntun pamargin yadnya utawi upacara ring pura inucap.

(2) Ring sajebag Desa Pakraman Bakas, mangda kaadegang Pamangku Lingsir sane mawit sakeng pamangku Dalem, pinaka panuntun Pamangku sane siyosan.

(3) Tata cara ngadegang Pamangku inggih punika :

ha. Mawit saking keturunan pamangku ring pura inucap

na. Nyanjan utawi nuwur, mapiteges mapinunas ring ida Batara sane malinggih ring pura inucap (Kamargiang Pamintonan).

ca. Kasudi ring sajeroning pangempon tur kasungkemin antuk krama Desa Pakraman.

ra. Mipil sane kamiletin olih krama ayahan arep ring pura inucap

(4) Sang sane tan kadadosang kaadegang pamangku inggih punika :

ha. Ceda angga, luire peceng, perot, cungh lan sapenunggilan ipun.

na. Sane maparilaksana tan patut.

ca. Sakit ngelah-lah, buduh, miwah sakit tan sida katambanin.

(5) Prabea Kapamangkuan :

ha. Ngawintenin pamangku Kahyangan Tiga lan Kahyangan Desa prabea kamedalin saking Desa Pakraman pakaryannyane kasanggra olih pangempon pura sowang-sowang.

na. Yaning wenten pamangku Kahyangan Tiga lan Kahyangan Desa sane seda, indik palebon nyane dados swadarman krama desa pakraman lan kaluargannyane.

ca. Indik upakara palebon nyane kasanggra olih krama desa pakraman luire :

- Upakara : Pabangkit enem (tan ma ulam), Tatukon, Pisang Jati, lan Lembu putih.

- Pakaryanyane ke sanggra olih krama banjar wawidangannyane.

- ra. Upakara palebon kangkat katunas olih kaluarganyane , sakewanten krama desa patut ngaturang dana punia manut pararem.

Pawos 46

Swadharmaning Pamangku luire:

- ha. Yan sampun wus paekajatiannyane wenang ngarangsuk sasananing pamangku.
- na. Asewaka Dharma Astiti ring Sang Hyang Widhi
- ca. Ngenterang wiadin ngastawayang sawenten upacara-upacara ring pura ritakala patirtaan utawi yadnya sane siyosan, manut kawenangan nyane.
- ra. Ngalaksanyang sane mabuat suci ring pura kalaning nedunang utawi ngalinggihang pralingga Ida Bhatara.
- ka. Tan wenang salab-sulub, yan mamurug wenang pamangku inucap nyepuhin raga.
- da . Nuntun Krama desa mangda satata bakti ring Sang Hyang Widhi manut sastra agama.
- ta. Pamangku Desa wenang nyiratang tirta ring krama Desa.
- sa. Pamangku istri kawenang ngenterang pandidikan banten upakara ageng wiadin alit manut pamargi wali ring pura
- wa Pamangku-pamangku merajan utawi dadia kawenangannyane wantah ring marajan utawi pura dadia sowang sowang, sakemawon tat kala piodalan ring kahyangan tiga lan kahyangan desa kadadosang ngaturang ayah minekadi

nyiratang tirta ring krama desa, nanging tan kawenangan nganteban aturan lan upakara

- la. Pamangku sane kantun sajeroning wicara tan kapatutang nganteb upakara.
- ma. Pamangku patut ngayah mareresik ring pura sane kaemong, sane tan patut kaambil olih krama pangempon.
- ga. Siyos ring pamangku kayangan lan sulinggih tan kawenangan nedunang, ngalinggihang pralinggalan Ida Betara.
- ba. Siyos ring pamangku kayangan tan kawenangan nedunang tirta ritatkala piodalan.

Pawos 47

- ha. Ritatkala ngenterang yadnya ring pura Kahyangan Desa, pamangku pura inucap patut polih pangeremba saking pamangku pura siyosan, lan pamangku dadia tur patut niwakang pituduh ring pamangku pangeremba inucap.
- na. Yan prade pamangku sane ngarep keni kapialang, jantos tan prasida ngamargiang upacara ring pura inucap, patut upacara punika kamargiang olih pamangku Kahyangan Desa sane siyosan, sangkaning pituduh Jro Bandesa.
- ca. Yan wenten pamangku keni ujar ala, ulah ala, pamangku inucap patut kaprayascita manut sastra agama, sang mojar ala, ulah ala patut keni prabeya upakara tur pamidanda manut pararem.
- ra. Yan wenten Pamangku kabuktiang amungpang paraning laku tan wenang kasepuh.

Pawos 48

Patitis lan olih-olihan Pamangku Khayangan Tiga lan Khayangan Desa

- ha. Kapisinggih antuk krama manut linggih tur sasanannyane
- na. Luput ayah-ayahan ring desa
- ca. Luput peson-peson pewangi, wawangunan ring pura sane kaempon.
- ra. Polih pah- pahan sasari manut pararem.
- ka. Busana arangsukan kasangra olih desa amasa apisan.

Pawos 49

- ha. Atur-aturan arta brana patut kadruwe olih pura inucap
- na. Satunggil sane maturan ring pura inucap patut masadok ring prajuru tur aturan inucap kaunggahang ring ilikita tur kauningang ring krama pangempon.
- ca. Aturan sakadi kecaping ajeng, wenang kaangge ring pura inucap manut tatujon.

Pawos 50

Ngentosin Pamangku mawiwit sakadi ring sor:

ha. Seda

na. Pamangku tan dados ngalap rabi malih, yan tan kaingkupin olih rabine kapertama tur kaingkupin olih krama Desa.

ca. Pamangku kawusanang olih krama Desa sangkaning kabuktiang nilar sasananing pamangku.

ra. Yan wenten Pamangku kawusanang wit sangkaning nilar sasananing pamangku

patut keni pamidanda manut pararem tur ngawaliang padruwen pura sane karaksa.

Pawos 51

Piodalan ageng lan alit acine ring Pura:

Pura-pura sane kaempon antuk krama Desa Pakraman Bakas kadi kecaping ajeng piodalannyane.

ha. Yening wali ageng utamaning Aci Catur kapuputang olih Ida Sang Sulinggih.

na. Yening wali alit utamaning Aci Pamereman kanteb olih pamangku pura Kahyangan Desa.

ca. Tata cara pamargi Aci ring pura inucap manut kadi ilikita ring pura inucap.

Pawos 52

Kasukertan Kahyangan

(1) Sahananing krama desa pakraman patut nureksain raga mangda kasukertan
Kahyangan manggeh kasucian nyane.

(2) Sane tan kalugra ngaranjing ka pura utawi ring genah suci inggih punika:

ha. Sang sane kasinanggeh cuntaka utawi sebel luire:

Ngaraja, ngembas putra, karuron, kalampusan, nyambut karya pitra yadnya (masa lan Dadakan) ngawit saking nanceb ngantos ngerebu, Panganten sadurung mabiya kala, muah cuntaka siyosan manut sastra agama.

na. Sang sane kasinanggeh sebel sadurung kaprayascita luire:

Anak beling tan wenten ngangkenin, panak babinjat (sadurung kaupakara) jadma buduh, sakit ila lan sakancan cuntaka siyosan.

ca. Mabusana sane tan patut manut tata susila lan sastra agama.

ra. Sang sane makta sahananing barang sane kasinanggeh letih tur sane tan kapatutang manut sastra agama.

(3) Sengker cuntaka manut kawentenan ring sor:

ha. Ngeraja: Selamin ngeraja ngantos mersihin raga.

na. Ngembasang putra, sane istri 42 rahina ngawit saking putrane embas ngantos sampun ke-upakara ma-kakambuhan tur maprayascita manut agama, yan sane lanang akepusan udel.

ca. Karuron: sane istri 42 rahina, sane lanang 11 rahina.

ra. Kalampusan: Cuntaka nyane sakadi ring sor:

1. Sebel babanjaran: 3 rahina saking ngurug.

2. Pasemetonan sajeroning babanjaran, siyos pakarangan 3 rahina saking ngurug.

3. Sang kalampusan sajeroning pakarangan nganutin catur cuntaka (bhuana tatwa) 11 rahina

(4) Sane tan cuntaka utawi sebel kadi ring sor :

ha. Ida Sang Sulinggih.

na. Para Pamangku kahyangan yan tan nedunin kagenah kalampusan seda. Yen nedunin kapatut maprayascita raga rihin, wawu dados maatur-atur ring pura.

(5) Sahananing para tingkah lan laksana sane tan dados ring pura:

ha. Masumpah utawi mecoran, sawawaning sangkaning pituduh prajuru desa.

na. Mabawos sane kasinanggeh wak purusya, wak capala.

ca. Mayuadi napi malih ngantos medal rah.

ra. Ngias raga sawawaning Sulinggih

ka. Makemit lanang istri masikian sawawaning anak alit.

da. Macecepin anak alit.

ta. Makoratan, mawarih, mangan lan nginum ngantos kataluan muah sane siyosan sane tan manut ring sastra agama.

sa. Majudi ring utamaning mandala pura.

- (6) Yan wenten kabuktiang wenten krama sinalih tunggil malaksana sane kabawos ngaletihin sakadi baos ring ajeng, wenang keni pamidanda manut pararem lan pamerayascita kahyangan manut Tattwa.
- (7) Yan wenten jadma karawuhan ring pura, kengin patut katatasang prade rumasa kasumangsayan, yan tan wiakti jadma inucap kasisipang manut pararem.
- (8) Yan kahyangan inucap keni kadurmanggala luire: karubuhan, kasiratin rudira, kawentenan wangke sato ageng, sajawaning mapada mangge upakara wangkening manusia, kahanang lutut, patut pamangku digelis nyadokan ring prajuru mangda maruman krama pangempon pacang ngawentenang upakara pamarisuda manut panugrahan Ida sang Sulinggih.
- (9) Yan wenten krama sane ngarusak ring pura, warga inucap patut macikang sahananing sane karusak tur maprayas cita manut sastra agama.
- (10) Ritatkala ngawentengan upakara yadnya ring pura kahyangan utshayang pisan mangda wenten pasantian.

Pawos 53

Tata Treptining Ngaranjing ka Pura.

- ha. Yening pacang ngayah makarya ring pura, kapatut ngangge busana adat alit.
- na. Yening pacang maturan pangabakti patut mabusana adat madya .
- ca. Busana Pamangku Sarwa putih (petak)
- ra. Sowang-sowang krama desa patut ningkahang raga indik kasucian angga.
- ka. Anak alit sadurung aodalan tan dados ngaranjing ka pura Kahyangan Desa.

Palet 2

Indik Resi Yadnya

Pawos 54

1. Sang pacang madeg pandita utawi madwijati patut masadok ring Prajuru Desa kalih Parisadha Hindu Dharma.
2. Prajuru Desa patut nitenin tur wenang mialangin, prade wenten kacihnan lempas ring sastra, Agama, *dresta*, *miwah pararem*.
3. Sang dwijati polih laluputan ayahan lan papeson.
4. Pakaryan lan Prebeya Padwijatian kasanggra olih :
 - ha. Sang madwijati kangkat ngarsayang panyanggra karya ring krama banjar utawi krama Desa pakraman
 - na. Prabiya kamedalan olih sang sane pacang ngambil linggih padwijatian.
 - ca. Krama desa pakraman mapunia manut pararem.

Pawos 55

- ha. Yening wenten krama desa mapakayun madwijati patut riin ngamargian diksa pariksa.
- na. Prajuru patut niteninutawinureksain mungguing kawentenannya laksana mapodgala, mangda yukti, tan lempas ring sastra agama.
- ca. Yan perade lempas ring sastra agama prajuru wenang nenten ngararemin.

- ra. Risampun wus upakarnya tur nabe Ida sampun mapaiça parab, prajuru patut ngawedar indik lan pamargin sang putus madwijati ring krama sami.
- ka. Sang mawinten sane pacang ngamargiang Ngonteng, Dalang, Ngusadin patut masadok ring prajuru, prajuru wenang nitenin kawenangannya tur nyaksiang upakarnya, salantur ipun prajuru wenang ngawedar indik tatujon pamargin sang inucap rauhing ring wates wawidangnya.
- Pradene lempas ring sastra agama prajuru wenang ngandeg upakarnya.
- da. Yan wenten sang Sulinggih kalih pamangku sane tan manut ring sasana napi malih nyasar laku madasar Tri Pramana nabanya patut katunasin pamatut.
- ta. Tatiwak sang nabe sane sampun kasanggara kakukuhang olih sang rumawos punika pamutus sane pinih pastika.

Palet 3

Indik Pitra Yadnya

Pawos 56

- (1) Sahananing upakara pamrateka wong lampus kabawos Pitra Yadnya sakadi:
meresihin sawa, mendem sawa, ngeseng, ngerorasin rauh ngalinggihang ring pahrayangan dewa sang pitara.
- (2) Mendem sawa utawi ngeseng :
ha. Genah ngeseng wiadin mendem ring setra ugi

- na. Ngeseng layon Ida sang Sulinggih manut dresta
- ca. Pamargin padewasaan atiwa-tiwa madasar panugrahan Ida sang Sulinggih taler nganutin desa, kala patra manut dresta
- ra. Pamargin padewasaan mendem manut panugrahan Ida sang Sulinggih, manut dresta.
- ka. Mendem, atiwa tiwa miwah pangutanganya tan kalugra ring rahina Pasah, Prawani, Tilem, Purnama, anggara kasih, buda wage, tumpek, buda keliwon, kala gotongan, kala Pepedan semut sedulur, kajeng kelion, ingkel wong, ngawainan, ngapuanan, ngatelunan, lanang istri (mendem tetiga)
- da. Yan prade sang kalampusang kawentenannya kobet, kalugra mendem pramangkin, pamargine sasiliban sasampun engseb surya, utawi sadurung endag surya, nenten nyuwarayang kulkul tanpa upacara, nenten makarya gagumuk tur ngangge carongcong, pameratekaan sang lampus kamargiang ring panemaya padewasannya.
- ta. Yan wenten warga desa seda kalampusang nemonin pacang pangambilan wali ring pura Kahyangan Tiga, Kahyangan Desa muah Pura Swagina, tan dados malebonang ngaben patut kapendem ugi sajabaning sane sampun ma eka jati lan dwi jati.
- sa. Tan kadadosang nyekeh layon utawi sawa langkungan ring pitung rahina.

Pawos 57

- ha. Yan wenten wong lampus sangkaning salah pati, ulah pati kengin bakta budal tur kasangra antuk banten pangulapan, upakara pemeratekanya nganutin panugrahan Ida Sang Sulinggih.

- na. Yan wenten wong istri mobot lampus, tan wenang kapendem sadurung bobotannya ke embasang.
- ca. Prade wenten wong padem ring carik utawi tegalan, sang maduwe kapatutan utawi warisnya patut keni pamerayascita lan pacaruan manca sata kalaksanayang ring genah inucap masengker asasih pitung rahina (42 rahina).
- ra. Yan wong padem punika tan keni antuk ngelingin wenang kapiuning ring guru wisesa, mungguwing upakara pamerayascita kalaksanayang olih krama desa utawi krama subak sane ngawengkoning genah inucap.
- ka. Yan wenten ngangkenin wong sane padem inucap ring ajeng, sang ngangkening patut keni prabeya upakara kaletahan inucap.

Pawos 58

- (1) Yan wenten wong tan makrama desa pakraman, tur mawit saking desa pakraman Bakas kalampusan tur pacang kapendem ring setra desa pakraman Bakas, sane magama Hindu :
 - ha. Patut matur piuning tur polih wakwakan saking prajuru desa pakraman.
 - na. Keni jinah pananjung batu akehnyane manut pararem, tur ngaturang pakeling ring Pura Dalem manut sapituduh prajuru.
 - ca. Keni pamerayascita lan pacaruan ring setra amancasata.

ra. Keni panegen sane kawaliang ring banjar sane ngawidangin manut pararem.

ka. Tan polih panyanggra krama desa.

(2) Yan wenten warga tan makrama desa pakraman, sakewanten mawit saking Desa Bakas pacang keabenan ring Desa Pakraman Bakas nenten wenten Keluarga kasarengin, tan kadadosan, nanging yan wenten krama desa sane kasarengin utawi kairing kadadosan, sakewanten kapatutang :

ha. Sadurungnya patut matur piuning nunas wakwakan ring kelian Pakraman.

na. Kelian Desa Pekraman Patut ngarauhang ring krama desa.

ca. Keni penanjung batu manut pararem krama desa, tur ngaturang pakeling ring pura Dalem manut sapituduh prajuru.

ra. Keni pamerayascita lan pacaruan ring setra (manca sata) lan genah sane siyosan manut dresta.

(2) Upacara atiwa - tiwa utawi ngaben masa kamargiang satunggil tigang warsa manut sasih.

Pawos 59

Swadharmaning krama desa ritatkala wenten seda:

ha. Krama desa sane madue kalayu sekaran patut gelis nyadokang ring kelihan pakraman pacang nunas tatimbang indik tatujon pamargi manut kawentenan.

na. Prajuru maritetes pamargin sang kalayu sekaran manut kawentennanya tur nyuarayang gendongan.

- ca. Prade pacang mapendem, krama pakraman patut sayuga nedunin tur ngeremba kawentenan karya sang kalayu sekaran manut dresta.
- ra. Krama sane istri patut ngarembe karya manut dresta.
- ka. Swadharmaning sang madue karya nyanggra krama desa sasidan-sidan manut dresta.
- da. Sesampun layone mabersih nanging durung kapendem, wengine krama pekraman patut magebagan manut dresta.

Pawos 60

Tata Trepti Rikalaning Mamargi Nganter Layon utaw iSawa Ke Setra.

- ha. Rikalaning nganter layon utawi sawa ke setra saluiring sane nedunin tan dados ngelintangin utawi ngalangkungin layon utawi sawa.
- na. Pamargine mangda alon, trepti tur dabdad tan wenang mawig-wigan utawi ngarap apan tan manut ring putusing parisada napi malih ngarusak sakadi pamereman utawi wadah sawa miwah sane lian-lianan ngantos ngawetuang pakewuh ring sang maduwe kalayu sekaran, yening prade krama desa utawi banjar mamurug kecaping ring ajeng, wenang kadanda manut pararem.
- ca. Mungging runtutan pamargine saking ajeng tirta-tirta, upakara banten layon, kekawin, para istri-istri kaping unkur lanang-lanang saha tetangguran yening ngangge tangguran.
- ra. Sahananing krama sane ngamiletin patut mabusana adat madya.

ka. Ring sampun rauh ring setra., tan dados matinggal sadurung wenten atur saking prajuru.

Pawos 61

Tata Cara Ngangge Tunon utawi Setra

- ha. Sang pacang ngangge tunon utawi setra patut nunas wakwakan ring prajuru.
- na. Tata cara ngangge tunon utawi setra manut kadi dresta miwah pituduh prajuru.
- ca. Krama desane sami tan kewenang makte barang sane kabawos ngeletehin ke desa pakraman, bilih-bilih ke kahyangan.
- ra. Yening palebon, pacang ngagah layon ring setra nganutin panugrahan Ida Sang Sulinggih, taler mangda mapaigum ring parajuru Desa.

Pawos 62

Indik Papatusan

Papatusan luire:

ha. Patus masa :

1. Krama desa utawi banjar pakraman ngamedalan patus manut pararem
2. Krama desa utawi banjar pakraman nyangra karya ngantos puput.
3. Sang madue karya ngaturan pasuguh manut pararem.

4. Ngamolihang linggih manut pararem.

na. Patas dadakan :

1. Krama desa utawi banjar pakraman nyanggra karya ngantos puput.
2. Krama desa utawi banjar pakraman medal patas manut pararem.
3. Sang madue karya ngaturan pasuguh manut pararem
4. Ngamolihang linggih manut pararem

Pawos 63

Indik Pelebon utawi Ngaben.

ha. Krama desa sane pacang malebonan utawi ngaben masa, asasih, saking padewasannya sampun puput bawos ring prajuru, raris digelisang nerusang ka krama desa.

na. Krama desa sane pacang melebonang utawi ngaben masa, kangkat malebonan sawa sametonaye sane melinggih ring dura desa pakraman bakas, sakewanten

:

1. Atur piuning ring prajuru pekraman, tan kirang ring 21 (Selikur) rahina sadurung pelebon.
2. Tan polih pangeremba nanging polih patas manut pararem.
3. Keni upakara sakadi patut (ring pura dalem utawi setra).
4. Tan kedadosan makta wiadin ngemedalan taulan ngelintangin wewidangan

Desa Pakraman Bakas

- ca. Krama desa sane pacang melebonang utawi ngaben dadakan, polih patus dadakan manut pararem.
- ra. Para walaka lan para satrya dalem keni patus manut pararem.
- ka. Sang maduwe karya tan dados lempas saking kapatutang tata caraning marep ring krama Desa.

Palet 4

Indik Manusa Yadnya

Pawos 64

- (1) Manusa Yadnya inggih punika upakara utawi upacara dharmaning manusa ngawit saking patemuning kama bang kalawan kama petak sajeroning garba ibu ngantos lampus.
- (2) Upacara ring ajeng luire:
 - ha. Magedong-gedongan
 - na. Wawu embas.
 - ca. Kepus udel.
 - ra. Ngelepas aon: mayusa 12 rahina
 - ka. Tutug akambuhan (42 rahina)
 - da. Tigang sasih.
 - ta. Aweton.

- sa. Mapetik .
- wa. Ngempugin utawi tumbuh untu.
- la. Pakupak utawi kepus untu
- ma. Mungguh daha
- ga. Mapandes.
- ba. Mawiwaha
- ng. Mawinten utawi Madwijati

(3) Upakara inucap ring ajeng nganutin sastra agama (nista, madya, utama)
 upakaranya kapuputan olih: Pinandita, miwah Pandita.

Palet 5

Indik Bhuta Yadnya

Pawos 65

Bhuta Yadnya inggih punika yadnya sane metetuak nyomiyahang watek Bhuta
 Kala, Dhurga Bucari, mangda dados Bhuta Kalla, Dhurga Hitta:

ha. Upakara pabyakala ring sarwa prani luire:

1. Sarwa tumuwuh ring tumpek wariga.
2. Sarwa ingon - ingon ring tumpek uye.

na. Upakara pabyakala ring pretiwi muah kahyangan, sarwa bhuta kabawos
 macaru

1. r auuya sesa: masaiban (ngejot) kalaning wus maratengan.
 2. Eka sata, Manca sanak, Manca sata, Rsi gana, Manca kelud, Balik sumpah.
- ca. Rikalaning tilem kasanga ngawentenan tawur kasanga ring peempatan Desa Pakraman Bakas, antuk carunya "Manca sata" tur prajuru nunas tirta tawur ring catus pata Banjaringan.
- ra. Sajeroning munggah ring ajeng malih pabyakala arep ring manusa manut wigunannyane.

Pawos 66

Upakara tilem kasanga (taur kasanga) patut kalaksananyang kadi ring sor :

- ha. Melasti ka sagara tata cara manut dresta.
- na. Rauh saking melasti pralinggalan Ida Bhatara nyejer ring Bale Agung.
- ca. Ngawentenang pangrupukan, mabuhu-buhu tur kapidabdabin olih prajuru.
- ra. Ngamargiang Upakara ring sowang-sowang manut tetiwak ring parisada.
- ka. Sasampune taur kasanga ring pempatan agung (catus pata), raris pralinggalan Ida Bhatara kasineb.
- da. Ring rahina panyepian patut ngamargiang catur brata panyepian minakadi :
1. Amati Geni
 2. Amati Karya

2.

4. Amati Lelanguan

21. Pamargi brata panyepian nganutin desa kala patra saha katuntun olih prajuru desa, mawit panyepian macihna antuk suara gendongan.
51. Sane mamurug brata panyepian patut keni pamidanda manut pararem, sajawaning sane polih panugrahan manut kabuat saha ilikita sakeng prajuru.
- W3. Rahina benjangne ngembak barata panyepian macihne antuk suaran gendongan .
- 1a. Ring rahina ngembak geni mapiteges ngembak brata panyepian, patut kawentenang "pasimakraman" ring sajeroning krama desa pakraman katuntun olih prajuru.

PANCA MAS SARGAH

Sukerta Tata Pawongan

Palet 1

Indik Pawiwahan

Pawos 67

- (1) Pawiwahan inggih punika patemoning purusa lawan pradana malarapan panunggalan kayun sukacita kadulurin antuk upacara manut sastra agama saha upasaksi sakala lan niskala.
- (2) Pidabdab pawiwahan ring Desa Pakraman Bakas majalaran pamargi kapurusa.
- (3) Pamargin pawiwahan wenten papalihan ipun minakadi:
 - ha. Papadikan kamanggala antuk pakrunan
 - na. Ngrangkat utawi ngarorod, ngambil rihin wus punika wawu kakrunayang.
 - ca. Nyeburin utawi nyentana inggih punika sang wadon kamanggehang pinaka purusa karajegang sentana marep lan sane lanang kamanggehang pinaka pradana.
 - ra. Pawiwahan pada gelahang, inggih punika lanang istri tedun medesa pakraman kakalih siki ring desa pakraman wadon, kalih ring desa pakraman lanang.
- (4) Pidabdab sang pacang mawiwaha luire:
 - ha. Sampun munggah daha wiadin teruna.
 - na. Pamargine sangkaning pada tresna asih.
 - ca. Yening wenten ngambil jadma siyos Agama Hindu patut ngelaksanayang Upacara Sudiwadani kasaksiang olih prajuru dinas lan adat.

- ra. Indik urah-uriah upacara sudiwadani, pamargine katunasang ring Parisadha Kabupaten.
- ka. Pamargin pawiwahan patut nganutin sastra agama saha nganutin undang-undang perkawinan.

Pawos 68

- (1) Pawiwahan ring Desa Pakraman Bakas kabawos patut, yening:
 - ha. Pamargine sampun nganutin pidabdab pawiwahan ring Desa Pakraman Bakas sakadi ring ajeng.
 - na. Sampun mawidhi widhana.
 - ca. Kasaksinin olih Prajuru Pakraman miwah Prajuru Dinas.
 - ra. Sampun munggah ring ilikita Desa Pakraman Bakas miwah Dinas saha ilikita siyos sane kapatutang manut daging Undang-Undang Perkawinan.
 - ka. Yan ning wenten warga desa bakas sane jumenek ring dura desa, pacang ngamargiang upacara pawidi-widanan patut mapesadok ring prajuru desa.
- (2) Yening wenten warga Desa Pakraman Bakas sane magenah ring dura Desa, ngawentanang upacara pawiwahan patut masadok saha ngarauhang sewala patra ring prajuru banjar lan prajuru desa.
- (3) Pawiwahan kabaos tan puput utawi tan sah, prade:
 - ha. Pamargine papaksaan utawi nenten sangkaning pada rena.
 - na. Tan paupasaksi
 - ca. Tan manut kecap sastra agama lan Undang-Undang Perkawinan.

Pawos 69

Tata cara parabian ring Desa Pakraman Bakas sakadi ring sor:

- ha. Sang pacang alaki rabi majalaran antuk papadikan patut masadok ring prajuru nganenin pamargin parabiane.
- na. Pamargin papadikan madudonan sakadi ring sor:
1. Ngamargiang pasedek
 2. Pakrunan ping kalih luire: pawirasan lan pangambilan.
 3. Yening sampun pada tulus babawosan tur sampun pada anut, kawentenang pamuput ngangge cihna suaran gendongan.
 4. Pamargin pawiwahan papadikan kangkat kalaksanayang nenten ngantosang wengi, sakewanten indik suaran gendongan patut kasuarayang sandikala.
 5. Sang wawu mawiwaha kangkat medal saking pakarangan sasampune ngamargian pabia kala, kemawon tan kangkat ngaranjing ring genah suci.
- ca. Prade ngrangkat utawi ngarorod, sang sane ngrangkatang patut nganutin pamargi sakadi ring sor:
1. Ngamargiang pacelek tan kasepan ring awengi tur kaenter olih prajuru Desa utawi banjar malarapan ilikita.
 2. Ngawentenang pamalaku utawi panglukuan jantos puput maduluran pasuguh pangrawos, sedah lanjaran lan pajati tegep.

ra. Yening sampun pada tulus utawi kaledangan, wargan sang wadon raris nunas ring prajuru banjar mangda nyuarayang gendongn banjar makacihna pamargin rangkate sampun puput.

ka. Pinunas suaran gendongan pamuput wantah kangkat ngawit sandikala, masarana pajati madaging sasari manut pararem.

Pawos 70

(1) Yening wenten yayah rena kaicalan oka istri, sang madrawe kapatutan patut masadok ring prajuru muang ring Guru Wisesa saha nunas pitulung pacang masaserep.

(2) Prajuru adat lan dinas patut ngenterang pamargine maserep mangda nganutin tata kasutreptian desa.

(3) Paseserep patut sampun polih wak-wakan Prajuru Adat lan Dinas

Pawos 71

(1) Manut ring Undan-undang perkawinan, sang lanang patut merabi asiki, sajawaning wenten pasubayan sane kaingkupin olih rabine sane pinih rihinan.

(2) Yening wenten anak istri deha yadiastun balu malih mobot, patut digelis kasadokang ring Prajuru Adat lan Dinas, tur digelis kauningayang ring Guru Wisesa.

(3) Prade tan wenten sane ngangkenin bobotan sang mobot, kulewargaanyane patut pamerayasita ring Banjar tur ngupakara rarene manut agama

Palet 2

Indik Nyapian

Pawos 72

- (1) Sang palas marabian tan sida satinut alaki rabi kabawos nyapian, sang palas merabian sangkaning seda kabawos balu.
- (2) Sang Ayat palas marabian patut atur Supeksa pailikitan rihin ring Pangadilan Negeri. Wastu tinas apadang pamutuse kabawos nyapian, wawu prajuru nambyakan kawentenannia ring Banjar.
- (3) Sang ayat palas marabian sane nenten polih pamutus saking Pangadilan Negeri, sang ayat palas marabian punika durung kabawos puput.

Pawos 73

Prade sang nyapian, riwekas malih adung tur marabian patut keni pamidanda manut pararam.

Pawos 74

- (1) Balu luh katinggal lampus olih suaminia utawi balu lanang sane pecak nyeburin, patut ngamargiang swadharma kadi ring sor :
ha. Ngamanggehang kapati bratan.
na Ngamargiang sahananing ayah-ayahan krama.

ca Ngaraksa tur ngutsahayang lan miara sahananing warisan lan sentanania.

ra Tan dados ngadol warisansadurung polih wak-wakan saking kulawargan
rabini saking purusa.

(2) Balu sane kabawos tan pageh ring swadhamaning balu luire :

ha. Matingkah dratikrama.

na. Matilar tan masadok ngantos langkung tigang sasih

ca. Lempas ring swadharmaning balu utawi salah prawerti.

(2) Balu sane tan pageh kadi kecapin arep, kangin katundung olih wargania
kapurusa, saha nganutin pamutus Guru Wisesa.

Palet 3

Indik Sentana

Pawos 75

(1) Sentana wenten kalih soroh inggih punika :

ha. Prati Sentana inggih punika santana sane metu saking pawiwahan sane
kapatut

na. Sentana paperasan inggih punika santana sane kapolihang malarapan antuk
meras, sane kadulurin upacara pamerasan, miwah upasaksi sakala niskala,
kapikukuhang antuk ilakita saking Guru Wisesa.

- (2). Yening wenten parabian sane ten manut, jantos ngawentenang sentana, mangda nenten kaucap astra patut kamanggala antuk upakara agama.

Pawos 76

- (1). Prade wenten pawiwahan tan ngawetuang sentana, kengin meras sentana saha kasaksiang sakala lan niskala tur polih pamutus saking Guru Wisesa.
- (2). Sapasira ugi pacang meras sentana patut mawirasa dumun ring kulawargannia tur masadok ring prajuru sanistannya tigang sasih sadurung pamerasan kamargiang
- (3). Prajuru digelis nambyakang ring krama sami, sang rumasa tan lila patut nyadokang ring prajuru sajeroning tigang sasih
- (4). Yening sampun tutug sengker, tur nenten wenten mialangin upacara pamerasan kengin kamargiang. Prade wenten sane rumasa nentenn ngingkupin pamargin paperasan punika sajeroning tigang sasih, prajuru digelis mawosan utawi ngicenin pamatus manut sakadi kawentennannia, Tur upakara pamerasan, patut kamargiang.

Pawos 77

- (1). Sane patut kaperas anggen santana kadi ring sor :
- ha. Sang kaperas kautamayang sane meagama Hindu.
- na. Kautamayang saking warga pancer kapurusa.

- ca. Prade nenten wenten kadi aksara na, kautamayang sinalih tunggil mawit saking kulawarga tunggal sanggah utawi paibon lan dadia
 - ra. Prade taler tan wenten saking pancer kapurusa kengin mawit saking kulawarga wadon tur tunggal paibon.
 - ka. Yening taler tan wenten sakadi sane kabawos ring aksara na, ca, lan ra, kengin meras santana saking kulawarga siyosan.
- (2). Paperasan punika sinanggeh sampun puput tur patut, yening sampun macihna sakadi ring sor:
- ha. Upacara pawidi widanaan paperasan.
 - na. Kasaksiang olih Prajuru Adat, sah katambyakang ring paruman Banjar.
 - ca. Wenten ilikita ungguhang tata sulur paperasan manut dudonan.
 - ra. Polih pamutus saking Pangadilan Negeri
- (3). Yening jagi ngawentnang paperasan sane kaperas kapatutan nyelosin ayah.
- (4). Daha tua utawi teruna tua kangkat meras oka, manut kecapin ring ajeng.
- (5). Meras santana kengin langkungan ring adiri lanang yudhiastun istri

Palet 4

Indik Warisan

Pawos 78

ngupadi sukerta sakala niskala saking leluhurnyane arep ring sentanannyane

(2) Wawu kengin kabawos warisan prade wenten:

ha. Sang kapiturun (pawaris).

na. Katurunan ahli waris

ca. Arta brana miwah tategenan uthawi ayah-ayahan.

(3) Sane sinanggeh warisan luire:

ha. Duwe tengah makadi palaba Pura, pustaka suci, pusaka suci.

na. Pamrajan.

ca. Paguna kaya, utang muang piutang lan ayah-ayah.

(4) Sane kabawos ahli waris inggih punika:

ha. Kaping ajeng pretisentana purusa, sentana rajeg sane kaceburin lan sentana paperasan.

na. Papernahan ngunggahang lan ka samping makadi rarama, sameton, misan, rarama di misan muah paperasan salanturnyane.

(5) Sane pacang ngawaris patut kantung ngamanggehang Agama Hindu.

Pawos 79

Swadharmaning waris utawi ahli waris:

ha. Ngamargiang utawi nyeledihi ayah-ayahan pawaris.

na. Nyumakutayang pah-pahan artha brana warisan.

- ca. Ngupakara kahyangan mrajan utawi pura amongan pawaris.
- ra. Nglaksanayang Upacara Pitra Yadnyan pawaris lan leluhurnyane
- ka. Nawurin sawenten utang-utang pawaris.

Pawos 80

- (1) Warisan kengin kaepah olih sang patut ngawaris risampun swadharmaning ahli waris jangkep kalaksanayang.
- (2) Pah-pahan warisan patut mangda sadu arep ring sakatah ahli waris.
- (3) Yening tatinggalan guna kaya, pah-pahannyane taler kengin nganutin pasubhayan pawaris sadaweg kantung maurip.
- (4) Sentana rajeg polih pah-pahan pateh ring pah-pahan sentana purusa.
- (5) Sentana daha tua patut polih pah-pahan sakadi sentana purusa.
- (6) Sane tan patut polih pah-pahan warisan, sakewanten kengin muponin pah-pahan warisan sakadi ring sor:
 - ha. Sang mulih daha, mulih truna riantukan polih nyeburin lan kulawarga pecak kaperas riyantukan polih ninggal kadaton.
 - na. Balu luh utawi balu muani sane pecak nyeburin.
- (7) Sinalih tunggil sang ngawaris ring ajeng kengin tan polih pah-pahan prade:
 - ha. Alpaka ring guru rupaka.
 - na. Nilar agama Hindu

- ca. Sentana rajeg kesah mawiwaha, nyentana nyeburin, utawi kesah maperas, sowang-sowang kabawos ninggal kadaton.
- (8) Pawaris rikala kantun maurip kengin mapaweweh arep ring sentana, pinaka:
- ha. Jiwa dana, tadtadan utawi bekel pinaka paweweh leleb ring pianak sane kesah mawiwaha.
- na. Pangupa jiwa, paweweh saking pawaris marupa pamupone kemaon
- ca. Pedum pamong utawi pedum raksa, pah-pahan waris padgatakala ngantos pastika pawaris arep ring ahli waris.

Pawos 81

- (1) Prade sajeroning pakulawarga wenten sang sane ngawaris langkung ring adiri, kapatutang:
- ha. Ngawentenang paigum indik pedum waris inucap.
- na. Yening tan prasida igum wenang katunasang ring prajuru desa.
- ca. Prade wenten taler tan terima ring panepas prajuru kengin nuna sang pamutus ring Guru Wisesa.
- (2) Yan wenten pacang nunas tatimbangan ring Prajuru Desa, prajuru patut nitenin lelintih kala nibakang panepas sane kapatutang sakadi ring sor:
- ha. Sang sane ngawaris saking purusa.
- na. Papernahan ka samping.

1. The first part of the text discusses the importance of maintaining accurate records of all transactions.

2. The second part of the text discusses the importance of maintaining accurate records of all transactions.

SASTHAS SARGAH

Wicara Lan Pamidanda

Palet 1

Indik Wicara

Pawos 82

- (1) Sane wenang mawosin makadi mutusang wicara ring desa inggih punika prajuru desa risampune polih tatimbang olih kertha desa:
 - ha. Kelihan banjar, pradene sang mawicara matunggilan banjar.
 - na. Bendesa Adat, pradene sang mawicara sami-sami ring patunggalan Desa pakraman nanging siyos banjar.
- 2) Tata dudonan mawosin saha muputang wicara warga desa kadi ring sor :
 - ha. Kaping ajeng kabawosin antuk kelihan banjar.
 - na. Tan cumpu ring panepas kelihan banjar katunasang ring panglingsir banjar.
 - ca. Panglisir banjar tan kacumpunin katedunang ring paruman banjar.
 - ra. Paruman banjar tan katinutin, kengin nunasang ring Bendesa.
 - ka. Bendesa tan presida muputang tincapang ring majelis desa pakraman manut undagannyane.

Pawos 83

- (1) Paperasan sane kapatutang ring Desa Pakraman Bakas luire :
 - ha. Sampun puput ring upacara pamerasan
 - na. Upacara punika kasaksinin olih prajuru pakraman lan dinas
 - ca. Sampun munggah ring ilikita desa pekraman
- (2) Sane patut karajegang sentana peperasan luire :
 - ha. Mawit saking waris kapurusa, prade tan wenten, kengin saking warga tunggal sanggah uthawi merajan, wadon muang siyosan.
 - na. Durung marabian saha durung makrama banjar
 - ca. Warga sane magama Hindu
 - ra. Meras sentana dados langkungan ring adiri, lanang wiadin wadon.
- (3) Sajeroning pamargi meras sentana tan kadadosang ngencak patus.

Palet 2

Indik Pamidanda

Pawos 84

- (1) Desa utawi Banjar wenang niwakan pamidanda ring warga Desa utawi Banjar sane sisip
- (2) Paniwak inucap kamargiang olih Bendesa utawi kelihan banjar.

(3) Pamidanda punika wenten bacakan ipun sakadi ring sor :

ha. Tulak mincir

na. Pangererengo (ngalunglung)

ca. Melencerin

ra. Nyagsag wirasa.

ka. Anggrugada prajuru .

Pamidanda siyosan luwire :

ha. Ayah-ayahan panukun kasisipan. Manut pararem

na. Danda arta (dosa, danda saha panikel-panikel urunan).

ca. Rarampagan inggih punika naut barang druwen sang kasisipang manut
ageng alit kasisipannya

ra. Pangupakara lan panyangaskara

(4) Pamidanda sane katiwakang patut masor singgih manut ring kasisipane
utamannya ngamanggehang kasudamala Desa.

(5) Jinah utawi raja brana pamidanda, ngranjing dados druwen banjar utawi
pangempon.

SAPTAMAS SARGAH
Nguwah Nguwuhin Awig-Awig

Pawos 85

- (1) Nguwah-nguwuhin Awig-Awig Desa puniki kamargiang antuk paruman desa.
- (2) Paruman inucap mangda kadasarin antuk pakarsa krama desa pakraman yadiastun kamedalang antuk prajuru sinunggal wiadin sinarengan.

Pawos 86

- (1) Sakaluring sane wenten sadurungnya patut kaanutang ring daging Awig-Awig puniki kadulurun antuk pararem-pararem.
- (2) Sakaluwiring sane durung kabawos sajeroning Awig-Awig puniki patut kamargiang manut tata cara sane sampun ketah mamargi kadulurin antuk pararem-pararem

ASTAMAS SARGAH

SAMAPTA

Pawos 87

- (1) Awig-Awig puniki kawastanin Awig-Awig Desa Pakraman Bakas
- (2) Awig-Awig puniki kamargiang ngawit kaingkupin uthawi kararemin.

Pawos 88


- (1) Awig-Awig puniki kasungkemin ring paruman duk rahina Buda Pon Wuku Tulu Tanggal 5 Nopember 2014 Awig-Awig puniki kalinggatanganin olih Bendesa Pakraman Bakas kasarengin olih para Kelihan Wawidangan, para kelihan Banjar, saha kasaksinin olih para Kepala Dusun soang-soang pinaka Kelihan Tempek, para Perbekel Desa sawawidangan Desa Pakraman Bakas, camat banjarangkan, pamekas Bupati Klungkung, maka murdhaning pamikukuh.
- (2) Luir Sang Ngalinggatanganin:
ha. Bendesa lan Prajuru

TEAM PENYUSUN LAN PENYURAT AWIG-AWIG DESA PAKRAMAN BAKAS

Penanggung Jawab : I Ketut Jumu (Bendesa).

Ketua : I Wayan Sumardika.

Wakil Ketua : Cokorda Oka Adnyana.




Sekretaris : I Made Sugiarta.



Bendahara : I Wayan Arsa.




Wakil Bendahara : I Ketut Sueta.



Penasihat/ Nara Sumber : 1. Cokorda Raka Panji.



2. I Wayan Mudiana



3. Ida Bagus Made Intaran



4. I Wayan Sudasih



5. I Wayan Luga




6. Made Suarsa



7. I Made Nanta



8. I Wayan Roja



9. Ida Bagus Nyoman Candra




10. Cokorda Gde Agung




11. I Wayan Sunantra



12. I Wayan Karda




13. Ida Bagus Nyoman Oka Triana




I. Kelompok Baga Parahyangan :


1. Ida Bagus Alit Sapa.




2. I Wayan Geria.



3. I Wayan Murdana.



4. I Made Sukarya.



5. I Made Widastra



6. I Made Suyasa



II. .Kelompok Baga Pawongan :

1. Iro Mangku Gaduh



2. I Wayan Wetra.

3. I Ketut Madra.




4. Ida Bagus Wardika.

5. I Made Suerka



6 Ida Bagus Putu Rai Susrama.



III. . Kelompok Baga Palembang :

1. I Nyoman Megeg.
2. I Made Adi Gunawan.
3. Ida Bagus Nyoman Bawa.
4. I Wayan Suartana.
5. I Ketut Gde Gunawan
6. I Made Sarjana


.....


.....

.....

.....

.....

.....

Perbekel Bakas,

I Wayan Mudiana

Bendesa Pakraman Bakas,

I Ketut

Ca. Bupati Klungkung maka murdha Pamikukuh

Mengetahui dan telah dicatat

Tanggal : 20 Maret 2015

Reg. Nomor : 189/ 1/ H 2 0/ 2015

Bupati Klungkung

I Nyoman Suwirta